



Palamente e kokoana mo letsatsing le go ngangisana ka merero e e lebeleletseng thata go dikgwetlho tsa Aforika tsa loago, ikonomi le sepolotiki.

Fano mo gae, Letsatsi la Aforika le neela ka tšhono go Maaforika borwa go golagana gape le go itlama gape ka go tshegetsa ditseraganyo tsa puso le lefatshe le le botoka. Keteko ya Letsatsi la Aforika le bontsha karolo ya seabe le botsaakarolo jwa Aforika Borwa mo lenaneong la kontinente.

A O NE O ITSE?

- Letsatsi la Aforika le amogelwa jaaka Maikhutso a Botlhe mo nageng di le thataro(6): Ghana, Mali, Namibia, Zambia, Lesotho le Zimbabwe.
- AU e na le maloko a dinaga di le 55, morago ga fa South Sudan e sena go ikamaganya ka 2011.
- Morocco e ikamagantse gape go AU ka 2017, morago ga go tlogela OAU dingwaga di le 33 tse di fetileng.
- Dikantorokgolo tsa AU di kwa Addis Ababa, Ethiopia fela lekala la yona la molao, Pan African Parliament, le kwa Midrand, Aforika Borwa.

Go bona tshedimosetso go ya pele ka ga ditirelo tse Palamente e di neelang, ikgolaganye: Kantoro ya Thuto ya Setshaba mo go 021 403 3341 kgotsa imeile info@parliament.gov.za

Go beeletsa leeto le le kaelwang go etela Palamente, ikgolaganye le:

Kantoroya Thuto ya Setshaba – Maeto

Mog: (021) 403 2266


Fekese: (021) 403 3817

Imeile: tours@parliament.gov.za



PARLIAMENT
OF THE REPUBLIC OF SOUTH AFRICA

— Letsatsi la
Aforika





LETSATSI LA AFORIKA KE ENG?

Letsatsi la Aforika ke segopotso sa ngwaga le ngwaga sa setheo sa Mokgatlho wa Kopano ya Dinaga tsa Aforika (OAU) ka Motsheganong, 25, 1963. Mo letsatsing leno la hisetori, dinaga tsa Aforika di le someamararo le bobedi(32) di ne tsa kopana kwa Addis Ababa, Ethiopia go tlhama mokgatlho. Gompiano, Letsatsi la Aforika le ketiwa mo dinageng tse di farologaneng tsa kontinente ya Aforika, mmogo le lefatshe ka bophara.

Ke letsatsi leo mo go lona kopano ya Aforika, karolelano ya hisetori le boitshupo bo tsayang boemo le boikgogomoso. Letsatsi la Aforika le dira jaaka polatefomo go amogela diphithlelelo tsa kontinente le go lemoga setso le ngwaoboswa ya Aforika.

LETSATSI LA AFORIKA LE KOPANO YA SEAFORIKA

Go tlhomiwa ga Mokgatlho wa Kopano ya Dinaga tsa Aforika go ne ga tsala go tlhomiwa ga Kopano ya Aforika (AU) ka 2002.

Go fetoga ga OAU go ya go AU go ne go rotloediwa ke keletso ya go itlhaganedisa tsamaiso ya tomaganyo mo kontinenteng le go kgontsha Aforika go tshameka karolo ya bona e e matshwanedi mo ikonoming ya lefatshe, fa e ntse e arabela mathata a ikonomi ya loago le a sepolotiki.



Kopano ya Dinaga tsa Aforika ke mmele wa kontinente oo o batlang go isa Maaforika kwa maikaelelong a a tshwaraganetsweng a kopano. Jaaka karolo ya maikaelelomagogo a yona, AU gape e mekamekana le go lere kagiso- e tswelletsa maiteko, tsereganyo le thuso ya ditlhopho, magareng ga tse dingwe.

Kakanyo ya kopano e tlhalosiwa sentle mo folageng ya AU, ka moano ono: **“Aforika e e kopaneng le go nna matla”**. Mo godimo ga moo, mmala o motala mo folageng ke letshwao la ditsholofelo le maikaelelo go kopano.

FOLAGA YA GA JAANA YA KOPANO YA AFORIKA

Letsatsi la Aforika ka jalo le dirisiwa jaaka nako go lebelela dikgwetlho tse Aforika e santseng e lebane le tsona le dintlha tse di namatsang tse e di di fitlheletseng. Dikgwetlho tseno di lemogilwe go bonala ke AU, ke sone se go tlhomilweng **Kgwebisano e Ntšhwa tebang le Tlhabololo ya Aforika(NEPAD)**. Lephata leno le batla go arabela tlhabololo ya Aforika ka go



dirisa tswelletsu ya temokerasi, ditshwanelo tsa botho, go tsaya maikarabelo, boseng bofitlha le tsamaiso tshwaraganelo.

Phithlelelo e nngwe ya kontinente ya ga jaana mme e le e e botlhokwa ke go saeniwa ga Kgaolo e e Gololosegileng ya Kgwebisano ya Kontinente ya Aforika (ACFTA), tumelano ya kgwebisano e e sa duelelweng e kgolo ya Mokgatlho wa Lefatshe wa Kgwebo. Baeteledipele ba dinaga tsa Aforika ba saenile Tumelano ya Kigali ka ga go tlhomiwa ga tumelano eno ya kgwebo kwa Samiting e e sa Tlwaelegang ya Kokoano ya Kopano ya Dinaga tsa Aforika kwa Kigali, Rwanda, ka di 21 Mopitlwe 2018.

Maikaelelo ke go tlhama mmara o le mongwe wa kontinente wa didiriswa le ditirelo, ka bagwebi ba gweba ka kgololosego.

Gore kontinente e nne le ponelopele e e tshwanang, Kopano ya Dinaga tsa Aforika e tshamile masupatsela o o bidiwang **Lenaneo 2063**, eo e tla kaelang Aforika go ya kwa tomaganong, katlego le kagiso.

LETSATI LA AFORIKA LE KITIKIWA JANG?

Ditiragalo tse di latelang di diragala mo letsatsing leo:

- Ditiro di baya leitlho thata mo botaking le bokgoni jwa Seaforika, motantsho, poko, mmimo le feshene.
- Dingangisano ka merero e e tlhagelelang e e amang kontinente jaaka letlhoo la batswantle
- Dithutano le dipontsho
- Metshameko jaaka dikgaisano tsa bolo ya dinao

LETSATSI LA AFORIKA LE PALAMENTE YA REPHABOLIKI YA AFORIKA BORWA

Palamente e tshegetsa boitshimoledi jwa AU jwa ditsenogare jo bo nang le kagiso go dikgotlhang go ralala kontinente. Mo go diragatseng pholisi ya boditšhaba ya rephaboliki, Palamente ya Aforika Borwa e tshwara dipuisano tse di namatsang le dipalamente tsa dinaga tseo Aforika Borwa e ntseng e amega mo maitekong a go aga kagiso.

Palamente ya Rephaboliki ya Aforika Borwa e tsaya karolo mo mekgatlhong e le mmalwa ya Seaforika, go tsenyeletsa lephata la molao la AU, Pan African Parliament (PAP) le Foramo ya Dinaga Tlhabololo tsa Aforika Borweng (SADC PF). Jaaka karolo ya meletlo ya Letsatsi,